

Qhia txog kev siv av ua liaj teb

Koj yuav tsum paub dab tsi?



Saib qhov dav dav

Cov neeg ua liaj ua teb yuav tsum qhia txog kev siv daim av rau koos haum USDA, thiab qhia txog cov qoob loo koj cog rau koj daim av thiab seb koj yuav npaj siv cov qoob loo no li cas.

Txhua lub xyoo, koos haum USDA khaws ntaub ntawv txog qoob loo los ntawm cov ntaub ntawv uas cov tswv teb qhia tuaj cov qoob loo lawv cog. Yog koj xav muaj kev koom tes nrog USDA cov koos haum xws li, kev pov hwm txog qoob loo, kev ruaj ntseg, kev sib tham, thiab cov koos haum pab rau kev phom sij, koj yuav tsum ua ntaub ntawv kom raws caij thiaj yuav txais tau kev pab cuam. Thaum koj ua ntaub ntawv qhia txog kev siv av los ua qoob loo, nrog rau cov av uas tsis zoo thiab cov av uas cog tsis tau khoom, nws muaj ntau yam zoo thiab muaj feem yuav tiv thaiv kom txhob poob peev.

Hnub kawg ua ntaub ntawv

Hnub kawg ua ntaub ntawv qhia txog kev siv daim teb av cog qoob loo yuav txawv ntawm ib lub nroog mus rau ib lub nroog, txawv ntawm lub xeev thiab zej zog.

Lub koos haum pab cuam txog kev ua liaj ua teb FSA cov neeg ua hauj lwm nyob lub zej zog ntawm koj yuav pab qhia rau koj txog cov ciam teb qhia kev thiab hnub kawg uas koj yuav tau ua cov ntaub ntawv qhia no nyob hauv koj lub zej zog. Koj tus neeg saib xyuas kev pov hwm rau koj cov qoob loo yuav pab qhia tau koj txog kev qhia qoob loo no kom tau txais tau kev pab nyiaj txiag.

Nws ua hauj lwm li cas

Daim ntawm FSA-578 yog ua tuaj qhia txog kev siv av ua liaj ua teb. Cov neeg ua hauj lwm ntawm lub chaw hauj lwm nyob ze ntawm koj yuav pab tau koj ua cov ntaub ntawv vim lawv qhia tau cov chaw qhia kev thiab chaw nyob nrog rau hnub kawg yuav ua cov ntaub ntawv. Cov neeg ua qoob loo kuj muaj feem mus saib rau ntawm [farmers.gov](https://www.farmers.gov) thiab saib cov ntawv qhia kev ciav teb av. Yog koj xav rau npe rau qhov kev pab online no, tiv tauj rau lub chaw hauj lwm FSA ntawm koj zej zog los sis mus saib ntawm [farmers.gov/sign-in](https://www.farmers.gov/sign-in).

Yuav ua daim ntawv qhia av, koj yuav tsum muaj

- Qoob loo thiab hom qhoo loo twg los sis ntau yam qoob loo
- Cov qoob loo yog npaj los siv li cas
- Pes tsawg ev kawj qoob loo
- Daim ntawv qhia cov ciam teb qoob loo
- Cog khoom hnub twg
- Cog ua seem thiab ua ntswg li cas
- Cov tsim khoom muaj feem npaum cas
- Kev ywg dej
- Yog muaj pes tsawg ev kawj cog tsis tau khoom
- Lwm yam lus qhia

Hnub yuav tau qhia hauv ntaub ntawv yuav txawm ntawm ib yam qoob loos mus rau ib yam qoob loo, thiab yuav txawv ib lub zej zog dhau ib lub. Nug cov neeg ua hauj lwm hauv FSA uas nyob ntawm koj zej zog kom paub meej tshaj no.



Nrhiav lub chaw ua hauj lwm nyob hauv koj zej zog


Mus saib rau ntawm [farmers.gov/service-locator](https://www.farmers.gov/service-locator) es nrhiav lub chaw hauj lwm nyob hauv koj zej zog

Farmers.gov Account

Thaum nkag rau hauv [farmers.gov](https://www.farmers.gov) lawm, cov neeg ua qoob loo uas twb muaj ib tus account nkag rau hauv USDA yuav mus saib lawv cov ntaub ntawv nrog FSA, cov ntawv qhia kev, thiab lwm daim av. Nyob hauv no, nws muaj ib qho los qhia tshiab uas yuav qhia cov ciam teb av thiab qhia txog cov ciam teb ua liaj ua teb. Qhov no yuav pab cov neeg ua khoom kom lawv saib tau, luam tawm tau, thiab muab lo rau lawv daim ntawv qhia av thaum lawv qhia txog kev ua qoob loo.

Cov neeg ua khoom muaj txoj cai los sawv cev lawv tus kheej los sis lwm tus neeg tam li ib tug neeg tau txais kev pab cuam los ntawm FSA-211 POA, Cov Neeg Lag Luam Kos Npe, nrog rau lwm tus kos npe, los sis tam ib tug tswv cuab thaum mus nkag rau hauv [farmers.gov](https://www.farmers.gov).

Cov neeg tsim khoom mus saib rau ntawm [farmers.gov](https://www.farmers.gov) Farm Records Mapping thiab saib daim yeeb yaj duab uas qhia nyob rau ntawm [farmers.gov/tshooj](https://www.farmers.gov/tshooj) [youtube](https://www.youtube.com)



Cov lus nug uas neeg nug coob tshaj txog kev qhia ntaub ntawv txog kev cog qoob loo

Lo lus nug: Cov ntaub ntawv qhia txog kev siv av los cog qoob loo yuav muab koj mus siv li cas?

Cov ntaub ntawv qhia tuaj yuav koj los siv qhia xws li:

- Txiav txim seb puas ua raws li USDA cov koos haum ua liaj ua teb
- Txiav txim seb yuav muab kev pov hwm pes tsawg thiab tus nqi them yuav raug npaum cas
- Xyuas kom meej tias yeej ua raws li cov cai tswj txog Kev Tiv Thaiv Av uas Raug Dej Tshoob
- Qhia rau cov koos haum USDA txog kev txiav txim
- Xyuas seb cov neeg tsim khoom puas muaj feem qiv tau nyiaj pab txog kev ua qoob loo thiab thaum them tsis tau cov nyiaj txais
- Xyuas seb cov neeg ua liaj ua teb tsim khoom puas muaj feem xyuam koom tes nrog qee lub koos haum hauv USDA

Kuv yuav tau qhia txog kuv cov qoob loo cog pes tsawg ev kawj ntau npaum li cas zaus?

Cov neeg tsim khoom thiab ua qoob loo yuav tsum qhia ua pov thawj txog kev siv cov ev kawj av tom qab cog cim qoob loo tag vim hais tias ib txhia qoob loo yuav tau cog ntau zaus, thiab txhua zaus cog yam qoob loo mas yuav tau qhia

Cov khoom thiab qoob loo uas siv sij hawm ob peb xyoos mam tau muab ib zaug muaj feem poob rau nqe lus hais tias qhia ib zaug xwb kav ob peb xyoos lawm. Qhov no yog yeeb vim hais tias tom qab qhia ib zaug txog ib yam qoob loo lawm, qhov kev uas koj qhia rau nom tswv ntawd yuav nyob txog rau thaum muaj lwm yam kev pauv tshwm sim. Nco ntsoov mus nrog lub koos haum FSA nyob ze hauv koj zej zog tham seb yam qoob loo koj cog puas poob rau nqe lus no.

Kuv yog tus neeg ua liaj ua teb thawj zaug xwb. Kuv yuav qhia txog cov qoob loo kuv cog thawj xyoo li cas?

Yog zaum no yog koj thawj zaug ua liaj ua teb rau ib daim av, saib kom zoo hais tias koj yeej muaj ib tug lej av, thiab tias koj kev los teev

tseg txog cov khoom siv yeej yog, thiab koj yeej nyob rau hauv FSA cov koos haum. Yuav kom koj tau ib tug lej av, koj yuav tsum nqa ntaub ntawv qhia txog koj tus kheej xws li daim ID, ib daim ntawv qhia hais tias koj yeej xauj daim av ua teb ntawd koj los siv, thiab lwm yam ntaub ntawv uas koj muaj txog koj qhov lag luam ua liaj ua teb (ntaub ntawv pov thawj ua lag luam hais tias koom tes, ntaub ntawv faib cuab yeej cuab tam, los sis ntaub ntawv ntseeg) mus rau lub koos haum USDA nyob ze ntawm koj zej zog. Peb yuav nyob no pab koj pib txoj hauv kev no!

Puas yuav tau teem caij thiaj tuaj ntsib tau?

Thov hu rau lub koos haum FSA nyob ze hauv koj lub zej zog es teem caij mus ntsib nrog lawv tham hauv xov tooj los sis tham hauv computer mus.

Kuv ua teb tsawg tsawg xwb. Kuv puas tseem tau qhia txog cov qoob loos ntawm daim teb es kawj thiab?

Koj yuav tau. FSA ua hauj lwm nrog txhua tus neeg ua liaj ua teb, tsis hais tus ua ntau los tsawg. Txawm tus neeg ua liaj ua teb tsawg tsawg xwb los yuav tau hais qhia txog lawv kev ua qoob loo ntawm daim teb av vim hais tias txawm ua me me xwb los tsam muaj feem tau txais kev pab thaum muaj xwm txheej kub ntxhov.

Kuv puas tau hais qhia txog cov qoob loo yog cog kom daim av zoo xwb?

Yuav tau. Cov qoob loo uas cog los pab tiv thaiv kom daim av zoo, los sis pab kom dej zoo xwb los yuav tau hais qhia tag nrho tib si. Tiamsis, yog hais tias cov qoob loo cog kom daim av zoo xwb hov raug muab hlais koj mus siv lwm yam dua ntawm qhov nog, yam qoob loo no yuav tsis yog cog los pab daim av kom zoo lawm xwb, yog li kev qhia txog cov qoob loo no twb pauv lawm.

Es yog hais tias kuv cov qoob loo tsis rau chiv nev?

Koj tsis tas lees tuaj qhia hais tias yam qoob loo ntawd tsis muaj chiv, tiamsis yog koj txiav txim hais tias koj xav qhia txog cov qoob loo uas tsis rau chiv no, koj yuav tsum nqa koj cov ntaub ntawv uas qhia txog koj lub hom phiaj no nrog rau ntaub ntawv uas ua pov thawj hais tias koj cov qoob loo yeej tsis muaj chiv.

Yog hais tias kuv twb hais txog kuv cov qoob loo rau kuv lub chaw pov hwm lawm, kuv puas tau ua ntaub ntawv

qhia rau FSA thiab?

Yuav tau. FSA thiab cov chaw hauj lwm pov hwm cov neeg ua liaj ua teb uas tau txais kev pom zoo los ntawm Risk Management Agency (RMA) los sis Lub Koos Haum Saib Xyuav Kev Pheej Hmoo Phom Sij yuav qhia tau ib txhia ntsiab lus los ntawm kev qhia txog kev ua liaj ua teb ntawm ib lub chaw hauj lwm rau lwm lub chaw hauj lwm

Thaum twg kuv thiaj yuav tau hais qhia yog cov qoob loo tsis hlob los sis av tsis zoo cog khoom?

Muaj ntau lub koos haum uas yuav tseev kom hais qhia 15 hnub tom qab daim av tsis zoo cog khoom los sis muaj lwm yam xwm txheej kub ntxhov uas ua kom cog tsis tau qoob loo.

Es yog hais tias twb dhau hnub uas yuav tau hais qhia txog kev siv daim teb av hauv kuv lub zej zog ne? Kuv puas tseem ua tau ntaub ntawv?

Tau kawg. Txawm hais tias twb dhau caij los qhia txog kev siv daim teb av lawm los koj muaj feem yuav qhia tau txog ib lub xyoo tom qab hnub uas teev tseg hais tias yogh nub kawg ua ntaub ntawv. Txoj kev qhia txog kev siv daim teb av no yog los pab kom koj muaj feem tau txais kev pab los ntawm ntau lub koos haum pab cuam nrog rau cov koos haum pab thaum muaj xwm txheej kub ntxhov. Txawm hais tias yuav tsis muaj cov koos haum pab tau los sis yuav muaj ib tus nqi them nrog daim ntawv qhia los sis tus nqi nplua them vim koj qhia lig dhau caij lawm, los peb yeej txhawb txhua tus neeg ua qoob loo kom los ua ntawv qhia txog kev siv daim teb av, thiab xum them tus nqi nplua vim txoj kev no zoo tshaj qhov uas tsis qhia li.

Muaj qee zaus cov koos haum los sis kev txiav txim txog kev pab nyiaj los sis daim ntawv thov kev pab yuav muaj hnub ncuu dhau hnub uas twb teev tseg tias yog hnub kawg. Rau tej qhov li no, mas yog tus uas txiav txim tias tsis ua ntaub ntawv qhia thiab xum them tus nqi nplua vim ua ntaub ntawv lig dhau caij yuav cuam tshuam txog qhov uas koj muaj feem yuav ua liaj ua teb rau daim av ntawd, thiab cuam tshuam txog kev sib koom tes siv daim teb av.

Thaum koj muaj ntaub ntawv nrog cov koos haum tias koj yeej qhia txog kev ua qoob loo, nws yuav pab tau koj kom muaj feem txais kev pab nyiaj txiag thiab rau lub caij uas muaj kev kub ntxhov , tshwj xeeb tshaj yog tej yam kev kub ntxhov uas tsam tshwm sim rau yav pem suab.